

Til Helse- og omsorgsdepartementet

Dykkar ref: Vår ref: Sakshandsamar:
A.L. Valle S. Rykken

BERGEN, 13.3.2013

Høyringsvar - Endring av reseptformidlerforskrifta

Vi viser til høyringsnotat utsendt 30.1.2013, med frist 13.3.2013, om forslag til endring av *forskrift om behandling av helseopplysninger i nasjonal database for elektroniske resepter* (reseptformidlerforskrifta).


Foremålet med reseptformidlaren er å sørge for sikker og effektiv elektronisk utveksling av reseptar og reseptinformasjon mellom aktørar i helseteneste og helseforvaltning, samt bandasjistar, som har eit legitimt og tenestleg behov for slik informasjon. Dette skal bidra til at pasienten vert gjeve helsehjelp på ein forsvarleg og effektiv måte. Departementet foreslår at pasienten skal kunna gje «behandlende lege» tilgang til oppdatert informasjon i reseptformidlaren, uavhengig av om dette er fastlegen eller ei.

Farmasøytar som arbeider med reseptekspedisjon, har tilgang til oppdatert legemiddelinformasjon for den enkelte pasienten i reseptformidlaren. Dei kan nytte denne informasjonen til å gje naudsynt helsehjelp og gjere faglege vurderingar ved reseptekspedisjon.

Forskriftsendringa bor legge til rette for at pasienten òg kan gje farmasøytar som arbeider med legemiddelsamstemming og -gjennomgang på oppdrag frå klinikkane i sjukehusa og/eller i kommunehelsetenesta, generell tilgang til relevant legemiddelinformasjon frå reseptformidlaren, eventuelt tilgang per «behandlingsforløp».

Ønsker elles å vise til høyringsvar frå Helse Bergen med dei elementa som er påpeikt der.

Venleg helsing



Øystein Rune Torgauten
Fagdirektor